

Date 9 Januari 2013

Title Uniten jalin kerjasama penyelidikan

Publication Sinar Harian

Page Khabar Kampus

Uniten jalin kerjasama penyelidikan

INOVASI

UNIVERSITI Tenaga Nasional (Uniten) selangkah lagi ke hadapan dalam dunia penyelidikan apabila menjalin kerjasama dalam *Sistem Maklumat Geografi (Gis)*, *TV Satelit Remote Sensing* dan *UAV Remote Sensing* dengan Universiti Tokyo, Jepun.

Uniten melalui Uniten R&D Sdn Bhd menandatangani memorandum itu dengan universiti terkemuka itu baru-baru ini.

Majlis diadakan di Kashiwa Kampus, Universiti Tokyo ini diwakili Naib Canselor Uniten, Datuk Seri Prof Mashkuri Yaacob, manakala Universiti Tokyo diwakili Dr Yoshikazu Ishii dan Pengurus Besar Kashiwa Kampus yang mewakili Prof Dr Junichi Hamada, Presiden Universiti Tokyo.

Kerja-kerja bagi memorandum ini dijalankan oleh penyelidik dari Kolej Kejuruteraan Uniten yang diketuai Dr Rohayu Che Omar. Kerjasama penyelidikan yang akan dijalankan adalah melalui seminar, perbincangan teknikal dan program pertukaran.

Di samping itu, kerjasama ini turut ditetapkan bagi menceburi pasaran

antarabangsa dengan kerjasama penyelidikan dan pembangunan terbaru projek tersebut. Projek ini menggunakan teknologi terkini yang cekap dan dapat menjimatkan sumber, masa, dan kos yang berguna untuk semua pihak.

Majlis dihadiri Dekan Kolej Kejuruteraan, Prof Dr Mohd Zamri Yusoff; Pengurus Besar Uniten R&D Sdn Bhd, Prof Madya Dr Md Zaini Jamaluddin serta tujuh pelatih tajaan Uniten di Universiti Tokyo (JICA/JST).



Kerjasama ini meningkatkan lagi hasil penyelidikan kedua-dua universiti.